

Inatsisartut Suleriaasianni § 37 naapertorlugu matumuuna apequtteqaatiti imaattut Naalakkersuisunut saqqummiuppakka:

Apeqqutit:

- 1. Nunatta karsianut qanoq naleqassava nioqqutissanik eqqussuinermi akitsuut atorunnaarsinneqaraluarpata?**
- 2. Nalinginnaasumik nioqqutissanut moms-imik eqqussigaanni s.a. 5 % / 10 % Nunatta Karsianut qanoq angitigisumik isaatitsissutaasinnaassava?**
- 3. 5/10 %-imik moms-imik eqqussisoqarneratigut (tupa, imigassat aalakoornartutallit biilillu ilanngunnagit) qanoq annertutigisumik isertitsissutaassava?**
- 4. a)MOMS-imik atuutsitsilernissamat / b) atuutsitsinngilernissamat suut toqqammavilersuutaappat? (a-mut: inuulluarniutit (luksusvarer) s.a. assiliissutit, TV-t, angallatit il.il. ilaatinnagit**
- 5. Moms atuutinneqalissappat pisortanut, niuertunut pisisartunullu qanoq kinguneqassava/sunniuteqassava?**

(Inatsisartunut ilaasortaq Suka K.Frederiksen, Siumut)

Tungavilersuut:

Nunatsinni akileraarsuersueriaaseq nunanut allanut moms-ilinnut sanilliullugu allaassuteqaqisoq ukiorpaalunni eqqarsaatersuutigineqartarpoq.

Ilaatigut eqqaaneqartarneranut peqqutaavoq toqqaannartumik akinut allannortitsinnginnami, ima paasillugu pisisartup tuniniaasullu nioqqutissanik kiffartuussinermilu toqqaasarnerannut allannortitsineq ajorluni.

Akileraarutit akitsuusersuinerillu pillugit paasissutissat moms ilanngullugu qanoq assigiinngitsutigut sunniuteqarsinnanersut paasilluassallugu pisariaqarmat, matumuuna apeqqutit nassiuppakka. Apeqqutit ullut qulit suliffiusut iluanni akineqarnissaat kissaatigaara.